

Inatsisartut suleriaasianni § 37 naapertorlugu matumuuna Naalackersuisunut imaattunik apeqquteqaatinik saqqummiussivunga:

**Apeqqu:**

- 1. Aningaasanut inatsimmut 2016-mut immikkut Nunalerinermut aningaasaliissutigineqartut pingaarnersiunerimi qanoq agguataarneqarpat?**
- 2. Aningaasaliissutigineqartuni 2016-mut aningaasaliisutinit qassit atorneqareerpat?**
  - a) Sunut atorneqarpat?**
- 3. Nunalerinermut tunngasut suliniutit suut ingerlanneqarpat?**
- 4. Nalunaarutit nutaanngilinikuusut nutartertariaqartut suliarineqarneri sumut killippat?**
- 5. Savaatit tunineqartartut savaateqarfiillu ikiliartortut amerliartortinnissaanut Naalackersuinikkut suut pilersaarutigineqarpat?** (Pilersaarutit ilanngunneqarnissaat kissaatigaara)
  - a) Nunalerinermik inuussutissarsiuteqartut Peqatigiiffiat (SPS) qanoq pilersaaruteqarpat?** (Pilersaarutit ilanngunneqarnissaat kissaatigaara)
- 6. Aningaasaliissutigineqartartut immikkut ilassuteqarfigineqartarput, savaateqarfiit ikiliartorput, tapeeriaatsit ingerlatseriaatsillu allanngortinniarneqarpat?**
- 7. Agguaqatigiisillugu savaateqarfiit ataasiakkaat tapiissutininik pissarsiarisartagaat ukiumi kingullerni pingasuni qanoq agguataarneqarnikuuppat?** (takussutissamik ilanngussisoqarnissaa kissaatigaara)
- 8. Allanik uumasuteqarnerit eqqarsaatigalugit kommunimiit imaluunniit SPS-ip tungaaninngaaniit arlalinnik misissuisoqartoq siorna §37 apeqquteqaat aallaavigalugu akissut aqqutigalugu ilisimatinneqarpunga, sumut suliniutit killippat?**

**9. Savaateqarnerup saniatigut uummasuutinu nutaanut aallarnissaanissamut suut periarfissartinneqarpat?**

**a) Savaatilittulli aallarlerlaattut uummasuutinik allanik ingerlataqarniarlutik pilersaartut inatsisitigut periarfissat assinganik atuinissaminnut periarfissaqartinneqarpat?**

(Inatsisartuni ilaasorta q Suka K.Frederiksen, Siumut)

**Tungavilersuut:**

Siorna § 37 apeqquteqarama ilisimatinneqarpunga Naalakkersuisut savaateqarnerup imminut napatissinnaanissamut “assut” ineriartortikkumagaat aammalu “annertusarumallugu” taamaalilluni siunissaq eqqarsaatigalugu “pisortanit tapiiffigineqarnissamut pisariaqartitsineq annikillissarniarlugu”.

Kisitsit takutitsipput savaateqarnermik inuussutissarsiuteqartut ikiliartortut, taamaattumik pingaaruteqarsoraara paasissallugu Inuussutissarsiummik ingerlataqartut nammineq peqatigiiffiata SPS aamma oqariartuutaat tusaasallugit pingaaruteqartut.

Suliniutit ataqatigiisarnissaat pingaaruteqarmata immikkullu aningaasaliissuteqartarnerit siunertatut kinguneqarnersut paasisaqarfigissallugit pingaaruteqarpoq.

Kissaatigaara apeqqutima ullut qulit qaangiutsinnagit akineqarnissaat.